



Boluntario
izatea da...

bolunta

boluntariotza eta parte-hartzerako agentzia
agencia para el voluntariado y la participación social



BFA
DFB

Basque Federation
of Football Clubs



EDE

edefundazioa



bbk



Edizioa bolunta. Boluntariotza eta parte-hartzerako agentzia.

Diseinua St3 Elkartea.

Inprimaketa Berekintza.

Argazkiak Stock.xchng.

Lege gordailua: BI-2127-02.

5 aurkezpena

6 boluntario izatea

nor izan daiteke boluntario
zer da lan boluntarioa
boluntario izateko betekizunak
ekintza boluntarioaren funtzioak

10 boluntariotzaren garrantzia

lan boluntarioaren arrazoiak
beharrezko eragozpenak

14 boluntariotzatik Hirugarren Sektorera

boluntariotza
Hirugarren Sektorea
boluntariotza sostengatzen duten balioak

18 zelan parte hartu

lehenengo pausoak
ekintza-eremuen sailkapena
boluntarioaren eskubideak
boluntarioaren betebeharrak

24 bolunta

zer da **bolunta**
zerbitzuak
non dago



Aurkezpena

Boluntariotza-erakundeak herritarrez osatutako taldeak dira, eta, modu libre eta eskuzabalean egindako lanari esker, hainbat gizarte-beharrizani erantzuten saiatzen dira. Mugimendu zabala artikulatuz hazten eta garatzen dira, eta duten helburua gure ingurua eraldatzea eta denon onura bilatzea da, elkartasunaren eta justiziaren ildotik joaz.

Euren lanari esker, gizarte osoaren bizi-kalitatea hobetu egiten da, eta proposamen irekiak plazaratzen dituzte, euren helburu eta proiektuekin interesatuta dagoen edozein pertsonari bertan parte hartzeko aukera emanez. Gizarte mugimenduak eta gizarte arloko erakundeak eraldaketarako motorrak dira, eta partaidetzan, talde-lanean eta etengabeko ikasketan daude oinarrituta.

Boluntariotzaren bidezko gizarte-partaidetzaren garapenean kolaboratzea da esku artean duzun gidaliburuaren asmoa. Horretarako, gai horren inguruko arlorik garrantzitsuenei buruzko informazioa eskaintzen du, eta abentura kolektibo honen parte izatera gonbidatzen zaitu.

Boluntario izatea

Nor izan daiteke boluntario

Boluntarioa da bere denbora, bere jakituria, bere esperientzia, bere egitekoa... **eskaintzen** dituen pertsona lan solidarioa doan egiteko. Bere helburua **gizartearen eraldatzea** da, konbentzitututa baitago bere lana mundu hobea sortzeko lagungarria dela.

Boluntarioa **libreki** eta bere ekimen propioz konprometitzen da gizartearen intereserako diren ekintzak modu **desinteresatuan** egitera, eta, horretarako, irabazi asmorik gabeko **elkarte solidarioaren** lanetan hartuko du parte.

Edozein pertsona izan daiteke boluntario. Denok daukagu zer eskaini, gure ahalmenen, gure motibazioen eta gure egoera pertsonalaren arabera. Beti aurkituko dugu gure lekua, gure zeregina.

Zer da lan boluntarioa

Lana da; beraz, dedikazioa eta esfortzua eskatzen du. **Aukera pertsonal** librea da, baina erakunde batekin **konpromiso egonkorra** behar da gure parte-hartzea kanalizatzeko. Boluntarioak **doan** hartuko du parte, eta, betiere, beste pertsona batzuen eta gizarte osoaren alde.

Boluntario izateko betekizunak

Parte hartu **nahi** izatea. **Denbora apur bat** izatea. **Prest** egotea konpartitzeko, trebatzeko, besteekin eta besteentzat lan egiteko. Eta hartzen den konpromisoari **egonkortasuna ematea** ere funtsezkoa da.

Pertsona batek **arrazoi** asko izan ditzake boluntario izateko. Motibazio politiko edo

erlijiosoekin hasi, eta gure inguruneko arazo zehatzak konpontzeko borrokaraino; ahaztu gabe esperientzia berrien edo bere denbora betetzeko ezberdina den zerbaiten bila dabilena.

Dena den, hasierako arrazoiak baino garrantzitsuagoa da pertsonak solidaritate eta doakotasun jarrera errealetarako **bilakaera** izatea, eta horiek izatea lan boluntarioan izango duen jarraitutasuna definituko dutenak.

Parte hartzeko dugun grina geldiarazten duten **beldurrak** ere hor daude: gure esfortzuak ezertarako balio ez duela pentsatzea; boterearen opilari su emateko bakarrik balio duela; lanpostuak kentzen ditugula; ez dut horretarako adinik, zaharregia edo gazteegia naiz eta; ez dut esperientziarik boluntariotzan; ez dakit balioko dudan edo ez dut zer eskaini. Ulertzeko moduko beldurrak dira, baina **funtsik gabeak**.

Eta norberari boluntario izan daitekeela erakusteko modurik onena **proba egitea** da. Denbora apur bat eta motibazio txiki bat baduzu, **ausartu** beharra dago; zure **ahalei** ondoen egokitzen zaion erakundea aurkitzea besterik ez duzu, hain zuzen ere, zu gustuen zauden organizazioa.

Organizazioek interesa duen edozein pertsonari laguntzeko modua eskaintzen dion **aukera zabala** dute. Gaur egun dagoen erakunde, elkarte eta GKEen aniztasunak, zalantzarik gabe, leku egokia aurkitzea ahalbidetuko dizu.

Azken finean, ez du adinak edo prestakuntza akademikoak ardua, ezta aurreko esperientziak ere; garrantzitsua dena **parte hartzeko nahia** eta gure denbora, ahalmen eta ilusioaren parte bat beste pertsona batzuen eta gizartearen zerbitzura jartzeko prest egotea da.

Ekintza boluntarioaren funtzioak

- | Herritarrei arazo eta bidegabekerien gaineko informazioa ematea; horren gainean sentsibilizatzea eta mobilizatzea.
- | Hurreko jarrerarekin eta estrategia malguekin bakarrik konpon daitezkeen problematiketan esku hartzea.
- | Deskubritutako beharrezanetan jardutea; botere publikoen eta merkatuaren ekintzaren gabeziak edo mugak azalaraztea.
- | Gizartearen garapenerako beharrezkoak diren ekimenak eta aurrerabideak sortzea.
- | Talde txiki eta gutxietsien bozeramaile izatea.
- | Neurri politiko eta sozialen kontrolerako bitarteko izatea, eta neurriok definitu eta ebaluatzen laguntzea.
- | Ekonomi sistemak sortutako desberdintasunak eta desorekak salatzea eta konpentsatzea.
- | Beti aritzea interes orokorren eta gizartearen ongiaren alde, eta lehenetsuna ematea pertsonen sustapenari eta giza eskubideen defentsari.

Hori guztiori eta beste gauza asko gehiago zure hurreko etorkizunean egon daitezke, boluntario **bihurtzea** erabakiz gero.

Merezi du. Zuk erabakitzen eta eskaintzen duzu. **Zeure esku dago.**



Boluntariotzaren garrantzia

Lan boluntarioaren arrazoiak

Boluntariotza **pertsonaren garapenerako** faktore garrantzitsua da baina, beste ezer baino gehiago, **gizartearen garapenerako** funtsezko motorra da. Batetik, herritarrek parte hartzea egiten du posible. Eta bestetik, gizartearen bizi-kalitatea hobetzen laguntzen du, gizartearen desabantaila-egoeran dauden pertsona eta taldeen interesak defendatzen ditu, gizartearen dauden beharrianak konpontzen laguntzen du, eta, ausardia eta originaltasunarekin, hobetzeko proposamenak sortzen ditu.

Boluntarioen organizazioek funtsezko **gizarte-helburuak** lortzeko egiten dute lan: ingurumena defendatzea; baztertuta dauden pertsona eta taldeak gizarteratzea; marjinazio-egoerak aurreikustea; garapenerako kooperazioa; giza eskubideak defendatzea; kultura, kirola, hezkuntza eta abar sustatzea.

Gainera, boluntariotza behar-beharrezkoa da, une bakoitzean **dauden beharrianetatik** abiatzen delako, arazoetan modu **zuzenean** eta **berehala** eragiten duelako, eta irtenbideen bilaketan **aitzindari lana** egiten duelako.

Oraindik ere arrazoi gehiago behar dira?, bai? Bada, hona hemen beste sorta bat.

- | Lan boluntarioaren bidez parte hartzea herritar guztiok daukagun eskubidea da.
- | Boluntariotzak herrien garapenean laguntzen du, gizarte-ehuna sortu eta ideia eta mugimendu aldatzaileei estalpea ematen baitie.



- | Boluntariotzak gure bizitzan, gure auzoan, gure hiri edo gure herrian dugun protagonismoa eta kontrola ematen digu. Ekintza boluntarioak demokrazian sakontzen du, erabakitzen duena gutxiengoa izatea saihesten duelako, gure ahotsa entzunarazten duelako, parte hartzea lau urtetik lau urtera botoa ematea baino zer edo zer gehiago izatea egiten duelako.
- | Boluntariotzak sustatzen dituen balioak -justizia, errespetua, norberaren burua ematea, erantzukidetasuna, lankidetz...-, guztiz funtsezkoak dira gizartearen ongizaterako.
- | Boluntarioen organizazioak hiritartasunerako eskola dira, etengabe ikasteko, taldean lan egiteko eta garapen pertsonalerako aukera.
- | Boluntariotzak, besteekin solidarioak izan eta doan aritzeagatik, beste ikuspegi eta balio bat ematen dio bizitzari.
- | Boluntariotza guztiontzako ongia da, eta, bertan, denontzako lekua dago. Konpromisoaren eta askatasunaren aldeko apustua da.

Beharrezko eragozpenak

Askotan, boluntariotzak **kritikak** jasotzen ditu lanpostuak kentzen dituelako, beharrezko administrazioak egin behar diela aurre esaten delako, kontzientzia arintzeko balio duelako baina benetan ez duelako ezer konpontzen, doakotasuna zalantzan dagoelako parte hartzearen truke ikasteko kredituak bezalako onurak lortzen direlako... Horietakoren bat gertatzen denean, boluntariotzak, jakina, daukan zentzu osoa galtzen du.

Boluntariotzak **ezin du gizarteko baldintzak okerragotzeko kolaboratzailea izan, eta ez da guztion ongiaren kontura garatu behar**. Boluntariotza ez da onargarria herri-erakundeak ordezkatu nahi baditu, oinarritzko solidaritate moduak desagerrarazten baditu -adibidez, familia, lagunak edo auzoen arteko harremanak-, edo enplegua desagerraraziz hazten bada.

Lehenengo eta behin, erakundeak ordezkatu nahi izatea baino, boluntariotzak euren betebeharrak betetzeko **exijitu** behar die erakundeoi. Edozein kasutan ere, gizarte-erakundeek herri-botereen jarduera **osatuko** dute, euren lana malguagoa eta eraginkorragoa izan daitekeen arloetan.

Bigarren, boluntariotza solidaritaterako eta gizartearen errealitatearekin harremana izateko moduetako bat baino ez da. Bere helburua ez da beste erreferentzia-esparru pertsonal edo kolektiboekin (afektiboak, lanekoak edo aisiakoak) lehiatzea edo horiei lekua kentzea; aldiz, gure ardura solidarioak zabaltzeko beste aukera bat **gehitzea** da.

Hirugarren eta azken, boluntario batek ez du profesional baten lana hartu behar. Ikuspuntu praktikotik begiratuta, ez bere trebakuntza, ez bere dedikazioa, ez bere konpromisoa ez dira egokiak. Ikuspuntu etikotik, berriz, boluntariotzak lana

izateko eskubidearen kontra egiten badu, gizarteari eta bere izaerari egindako iruzur bilakatzen da, bere identitatearen oinarria gizartearen konkista eta eskubideak sendotzea baita.

Boluntarioak eta profesionalak **eskutik joan behar dira osagarriak** izan daitezkeen zereginetan. Eta profesionalizazioak hartu ez dituen eremuetan, berriz, boluntariotzak betiko lana beteko du, hots, **aitzindari** izatea: beharrezkoak detektatuko ditu; beharrezkoa bada, horiek estali, eta horientzako konpromiso publikoa, profesionalen ekintza eta bitarteko eta baliabideak esleitzea aldarrikatuko ditu.



Boluntariotzatik Hirugarren Sektorera

Boluntariotza

Boluntariotza **antolatutako solidaritatearen** adierazpena da, komunitatearen arazoak konpontzeko bertan esku hartzea. Ekintza boluntarioak herritarrek komunitatearen garapenean duten **inplikazioa** eta **konpromisoa** adierazten du; herritarrek gizartearen aurrerapenean hartzen duten ekimenaren manifestazio kualifikatua da. Boluntariotza **parte hartzeko eta errealitatea eraldatzeko eskubidea** erabiltzeko tresna da.

Hirugarren Sektorea

Gizartearen errealitatearen ikuspegi tradizionalak sektore bi ezarri ditu herritarrek bere beharrian indibidual eta kolektiboentzako erantzuna aurkitzeko.

Lehenengoa **Sektore Publikoa** da; ordezkari-sistematik eratorritako erakundeek kudeatutako eremua da (udalak, aldundiak, gobernua, Europar Batasuna, etab.), eta gure zergekin sostengatzen dugu.

Bigarrena **Sektore Pribatua** da, ekimen partikularraren eta norbanakoen baliabideen menpekoa. Gure ekonomia sistemako gizartean horrek duen isla zenbait espazioren pribatutasunean oinarritzen da, eta ekonomian, berriz, merkatu askea izatea.

Baina banaketa hori ez da nahikoa norbanakoek gizartearen ingurunearekin duten inplikazioa definitzeko. Banaketa horrek akats bat du, hain zuzen ere, ahaztea esparru biokin batera, pertsonen **harreman paraleloen sarea** eratu dutela, intentsitate-maila ezberdinekin,



antolamendu-maila ezberdinekin eta mota guztietako jarrera ideologikoekin.

Sare horren bidez, irtenbideak bilatu zaizkie administrazioek eta merkatuak estaltzen ez dituzten gizartearen eskakizunei, eta errealitatea ulertu eta kudeatzeko proposamen alternatiboak aurkeztu dira, eta, askotan, ezarritako ordena zalantzan jarri da. Irabazi asmorik gabeko erakundeek ari gara: elkarteak, plataformak, koordinakundeak, GKEak edo fundazioak. Erakunde horiek guztiek, solidaritatea eta erantzun soziopolitiko antolatzeaz aparte, gero eta pisu ekonomiko handiagoa dute. Fenomeno horrek ezin zuen jarraitu ahaztuta egoten, eta, hori dela eta, izen bat bilatu zaio: **Hirugarren Sektorea**.

Espazio horretatik abiatzen da boluntariotza, beharrezanean aurrerago egiteko. Horretarako, gurasoen elkarteak, ikasleen elkarteak, aisialdiko elkarteak, txirotutako herrialdeekin lankidetzan aritzeko organizazioak, aldarrikapen ekologistarako organizazioak, organizazio feministak, organizazio antimilitaristak, kaltetutako taldeak, adinekoen taldeak... eratzen dira.

Espazio horretan betetzen du boluntariotzak **aldarrikatzeko** eta politika soziala eta ekonomia sistema **kritikatzeko funtzioa**. Boluntariotza zaintzan dago, komunitatearen erabateko garapena eta justizia soziala eragozten duen edozer salatzen.

Boluntariora sostengatzen duten balioak

Solidaritetea

Inguruan dugun errealitatearekiko, arazoekiko, justizia gabetasunarekiko sentikorrek izatea da, eta gugandik irten eta besteen alde jarduteko gai izatea. Gure bizitzako arlo guztietan praktikan jar dezakegun balioa da, eta eguneko edozein unetan. Solidaritatea jarrera pertsonala da, bizitzeko estiloa da. Estilo horren ezaugarriak dira: beste pertsonak errespetatzea, entzutea, ulertzea, jarrera bat hartzea eta laguntzea.

Parte-hartzea

Gure gizartean parte hartzeko eremu asko dago: familia eta lagun artea, lana, gure botoa, gure kontsumoa, gure zergak, gure aisialdia... Eta parte hartzen dugun bakoitzean biharamuna baldintzatzen ari gara; gizarte-mota baten ala beste baten aldeko apustua egiten dugu. Boluntariora parte hartzeko kualitatiboki ezberdina den aukera da, konpromisoa dakarrelako eta gizartea eraldatzeko xede argia duelako. Herritar guztiok gure gizartearen

bizitzan parte hartzeko eskubidea dugu, bai gizarteaz goatzeko, bai erabakiak hartzeko, baita gizarteak dituen arazoetarako irtenbideak bilatu eta martxan jartzeko ere.

Organizazioa

Boluntariora eta organizazioa banatu ezin daitezkeen kontzeptuak dira. Eraginkortasuna bermatzen duen bakarra organizazio baten barruan lan egitea da, gizartean dugun posizioa sendotzen duelako, eta kontrastatzeko, ekintzei jarraitasuna emateko eta zereginak konpartitzeko aukera ematen duelako. Gainera, indibidualismoaren aurrean, komunitarioa denaren aldeko apustua egiten da, hazteko eta guztiona den gizartea denon artean eraldatzeko.

Doakotasuna

Doakotasuna ekintza boluntarioaren oinarria da. Boluntarioek, definizioz, printzipioz, ez dute interesen arabera jarduten. Boluntarioek ez dute eurentzako irabazi ekonomiko edo materialik bilatzen; aldiz, gizartearen onura lortzen lagundu nahi dute, denon ongian zentratutako xede eta helburuak lortzeko.



Zelan parte hartu

Lehenengo pausoak

Jarraian, boluntario moduan parte hartzeko pauso batzuk proposatuko dizkizugu.

- | Mugiarazten zaituzten **motibazio** eta kezkei buruzko hausnarketa egin.
- | Eskaini dezakezun **dedikazioa** ezarri: zenbat ordu erabil ditzakezun, zenbat egun eta zenbateko maiztasunarekin.
- | Erakundeek euren konpromisoan gutxieneko **egonkortasuna** eskaintzen dieten pertsonak behar dituzte. Hasieratik argi utzi beharko duzu aldi baterako lankidetzaren den edo noizean behingoa eta zein faktorek baldintzatu dezaketen zure lankidetzaren den.

- | Gehien erakartzen zaituen, gehien interesatzen zaizun **lan-arloa** bilatu eta aukeratu, eta arlo horretako beharrezko informazioa lortu.

- | Parte hartu nahi duzun arloan dauden **erakundeak** ezagutu, eta zure interesari eta dedikaziorako dituzun aukerari ondoan egokitzen zaiena aukeratu.

- | Behin organizazioarekin harremana duzula, egingo dituzun **zereginak** definitu organizazioarekin batera. Zereginak definitzerakoan, zure gaitasunei gehien egokitzen zaizkienak izango dira kontuan.

* Zalantzarik izanez gero, zelan jardun argi ez baduzu, informazioa eskatu **boluntari**, Bizkaiko boluntariotza eta parte-hartzerako agentzian (24 or.)

Ekintza-eremuen sailkapena

Aisialdia eta denbora libre

Jarduera ugari sartzen dira hemen: kirola, kultura, aisialdi hezigarria eta abar.

Ingurumena


Ingurumenaren babesari buruzko jarduerak: militantzia ekologista, ingurumen arloko heziketa, kontserbazionismoa edo animalia eta landareen eskubideak, besteak beste.

Babes zibila

Arriskuen prebentzioarekin eta hondamendi, istripu edo larrialdietako jokabidearekin erlazioatutako jarduerak.

Garapenerako lankidetzaren

Txirotutako herrialdeekiko nazioarteko harreman bidegabeak eta lankidetzari



buruzko salaketa eta sentsibilizazioa, garapenerako programen bitartez edo bidezko merkataritzako jardueren bitartez.

Gizarte bazterketa eta baztertutako kolektiboak

Bazterkeria egoeran dauden, baztertuta egoteko arriskuan dauden edo bazterketaren bat pairatzen duten kolektibo sozialekiko lankidetzaren. Etorkinak, gutxiengo etnikoak edo errefuxiatuak aipatu ditzakegu, baina baita ere gazteak, emakumeak, haurrak, hirugarren adinekoak, txirotutako pertsonak, langabezia daudenak, kartzelan daudenak...

Menpekotasunak

Menpekotasunaren esparruko jarduerak, edozein dela ere menpekotasun horren jatorria.

Minusbaliotasunak

Minusbaliotasun fisiko, psikiko edo sentsozialen bat duten pertsonetikiko lankidetzak.

Gaixotasunak eta gizarte zein osasun arloko zerbitzuak

Osasunaren mundua sartzen da hemen: sustapena, kaltetutako pertsonetikiko ekintza zuzena, emaileak, ospitaleetikiko lankidetzak...

Giza eskubideak eta bakezaletasuna

Giza eskubideen eta bakearen defentsa, sentsibilizazioaren eta salaketaren bitartez. Eta hori, nazioartean zein herri mailan,

eta bereziki zaurgarriak diren kolektiboek dagokienez: emakumeak eta haurrak, etorkinak, eta abar.

Kontsumoa

Kontsumitzaileen eskubideen aldarrikapena eta kontsumo arduratsuaren sustapena.

Hezkuntza eta kultura

Eskola eta unibertsitate arloko esku-hartzea, gurasoen elkarteetan, ikasleek edo irakasleek bitartez. Bertan, kultur sustapena eta heziketa ez-formaleko jarduerak ere sar daitezke.

Boluntarioaren eskubideak

1-Modu aktibo eta librean parte hartzea

antolakuntzan, helburuei, antolakuntza-egiturari eta funtzionamenduari buruzko informazioa jasoz, eta erakundeak bere partaidetza bideratzeko finkatu behar dituen organoetan parte hartuz.

2-Esku hartzen duen programa eta proiektuen

diseinu, elaborazio, betearazpen eta jarraipenean laguntzea. Boluntarioa den neurrian eragiten dioten organizazioaren alderdiei buruzko iritzia emateko aukera izatea.

3-Betetzen duen lanerako beharrezkoa den

laguntza teknikoa, giza laguntza eta prestakuntza jasotzea, eta bere baldintzei ondoen egokitzen zaizkien ekintzei buruzko aholkua jasotzea.

4-Betetzen duen lanak beste pertsona batzuei sor diezaieketen kalte-galerei aurre egiteko **aseguruaren estaldura** izatea.

5-**Bidezko tratua** eta diskriminaziorik gabekoa jasotzea, eta bere askatasuna, duintasuna, intimitatea eta sinesmenak errespetatuak izatea.

6-Bere lana segurtasun eta higiene-baldintza **egokietan betetzea.**

7-Bere lanak dohainik egiteagatik eta gizarteari egiten dion ekarpenagatik merezi duen **errespetua eta aintzatespena** izatea.

8-Boluntario izateari **libreki uztea.**

Boluntarioaren betebeharrak

- 1-**Laguntza aktiboa ematea** organizazioari eta bere ahalmenen arabera organizazioan parte hartzea.
- 2-Organizazioarekin hartu dituen **konpromisoak betetzea** eta, aldi berean, organizazioa arautzen duten xedeak eta araudia betetzea.
- 3-Bere gain hartzen dituen eta esleitzen dizkieten zereginak egiterakoan **arduraz aritzea** eta organizazioko arduradunek ematen dizkieten jarraibideak betetzea.
- 4-Organizazioak aurreikusitako **prestakuntza-jardueretan parte hartzea**, baita ematen diren zerbitzuen kalitatea mantentzeko beharrezkoak direnetan ere.
- 5-Jardunean zehar jasotako informazioaren **konfidentziasuna gordetzea**.
- 6-Bere lanaren xedea diren pertsonen **eskubideak errespetatzea**.



Zer da bolunta

bolunta boluntariotza eta parte-hartzerako Bizkaiko agentzia da. Bizkaiko Foru Aldundiak, BBK-k eta EDE Fundazioak sustatutakoa da, eta solidaritatearen alde eta gizarte bidezkoagoa eraikitzearen alde egiten duten pertsonen zerbitzura dago.

Aldaketak bultzatzen dituzten eragileekin batera elkarlanean, **boluntak** elkarte-ehunaren garapena sustatzen du, eta sareen eraikuntza eta mugimendu sozialari baliabideak eskaintzea errazten du. Entitateen eguneroko jarduneari eragiten du, betiere, pertsonengandik gertu izanik.



Zerbitzuak

I Parte-hartzea

Boluntarioei erakundeetan sartzen lagundu ez ezik, boluntariotzaren kultura eta balioak, solidaritatea eta parte-hartze soziala sustatzen ditu.

I Aholkularitza

Jarduera solidarioak garatzerakoan sor daitezkeen zalantzei erantzuna ematen die eta entitateei kudeaketarako laguntza teknikoak eskaintzen die. Parte-hartzearen sustapenean lan egiten duten gizarte eragileei jarraibideak eta laguntza ematen dizkie.

I Prestakuntza

Prestakuntzaren programa zabala eskaintzen du ekintza solidarioaren eremu osoan. Entitateen eta boluntarioen prestakuntza beharrak asebeten nahi ditu.

I Informazioa eta dokumentazioa

Gizarte-mugimenduak garatzen dituen jarduerak zabaltzen ditu eta entitateentzat interesgarria den informazioa hedatzen du. Dokumentu-funts zabala dauka, eta mailegu, orientazio eta bilaketa bibliografikoa eskaintzen ditu.

I Azpiegiturak eta baliabideak

Ikastaroak, jardunaldiak, hitzaldiak, bilerak, asanbladak, prentsurrekoak eta abar egiteko beharrezko azpiegiturak eskaintzen dizkie entitateei.

I Eta gainera...

Argitalpenak, ikerkuntza, biltzarrak, hitzaldiak, eztabaida-lekuetan parte hartzea, hedabideekin elkarlana, erakusketak, Europako programak, premiazko boluntariotza, hausnarketa eta eztabaida.

Non dago bolunta

Erronda z/g, 48005 Bilbao.

Tel.: 94 416 15 11.

Fax: 94 416 88 64.

bolunta@bolunta.org.

www.bolunta.org.

bolunta |

boluntariotza eta parte-hartzerako agentzia
agencia para el voluntariado y la participación social



Arretarako ordutegia

Astelehenetik ostiralera,

09:30etik 14:00etara eta

16:00etatik 19:30era.

